

فیبقی لا عمري هأذیکي
ولا حتی با فکر أتلئ
وهتفضل إیدی ف اذیکي
ولا عمري یا بلدی هتخلئ

.....

بیکیا

معایا أخلاق
ومنسیه
معایا ساعات
رومانسیه
وصوت الست
ف الرادیو
و صورة ناس
وضحاکیا
وأل ف حکایه
وحکایه

معايا قلوب
بتتكل
بصوت موال
وغنوايا
معايا صورة
أم مصريه
ولمة عيلة
بتتعشى
على لمبة جاز
و دفايه
معايا صبر
فاق أيوب
معايا قلب
مش معيوب
وقصة حب ملتوته
وحدوته
وأحلى بدايه ونهايه

ف مين شاري
مين ف الماضي مداري
وشايف صورته ف مرايا
وشايف بكره من الماضي
وقال دي أصالتي من جدري
و عايشه ف بيكيا جوايا

اسمع يا ولدي

اسمع يا ولدي
لا تلبس توب مش مقاسك
ولا تهجر أهلك وناسك
واوعاك على نفسك تدوس
هتلاقي مليون داسك

قلبك وعقلك ميزانك
دينك وعلمك أساسك